



№ 39
2020-yil, 4-noyabr
Chorshanba (32.634)

Ijtimoiy-siyosiy gazeta

1918-yil 21-iyundan chiqq boshlagan

Улуғлардан улуғимсан, Ватаним!

O'zbekiston ovozi

МАКТАБ БИЛАН ЎҚИТУВЧИНИНГ НУФУЗИ ЮКСАЛАДИГАН БЎЛДИ



Гофиржон МУХАМЕДОВ,
Чирчиқ давлат педагогика
институтининг ректори:

— Таълим тизимини тубдан ислох қилиш буйича мамлакатимиз раҳбари томонидан қатор қарор ва фармонлар қабул қилинмоқда. Ҳозир жамоатчилик муҳокамасига қўйилган "Мамлакатимиз таълим-тарбия тизимини янада такомиллаштириш, илм-фан соҳаси ривожини жадаллаштиришга оид қўшимча чора-тадбирлар тўғрисида"ги Президент Фармони лойиҳаси ана шулар жумласидандир. Фармонда:

- таълим-тарбиянинг амалдаги ҳолати, янги авлод кадрларини тайёрлашда уларнинг интеллектуал ва маънавий салоҳиятини янада ошириш;
- замон талабларига жавоб берадиган ўқув адабиётларини яратиш;
- мактабгача ҳамда халқ таълими тизимига тегишли муассасаларнинг малакали педагог кадрларга бўлган эҳтиёжларини қондириш;
- таълим-тарбия муассасалари ходимлари ва профессор-ўқитувчиларнинг нуфузини ошириш ҳамда уларни фаолияти самарадорлигига қараб моддий рағбатлантириш;
- таълим соҳасига хусусий секторларни жалб этиш;
- ахборот технологияларини самарали қўллаш;
- таълим ташкилотларини нуфузли халқаро рейтингларда муносиб ўринга эга бўлишларини таъминлаш буйича изчил чора-тадбирларни амалга ошириш масалаларини кўрсатиб ўтилган.

Шу маънода ушбу Фармон лойиҳаси таълим тизимида янги даврни бошлаб беради, десак, муболаға қилмаган бўламиз. Буни айрим жиҳатлар билан асослаш мумкин. Жумладан, 2019-2020 ўқув йили буйича Тошкент вилоятида халқаро тажрибалардан фойдаланган ҳолда 4 та кўрсаткич буйича умумтаълим муассасалари рейтингини аниқланди. Булар:

1. Битирувчи ўқувчиларнинг умумтаълим фанлари буйича таълим тайёрларлик даражаси ва сифат кўрсаткичи;
2. 9-синф ўқувчиларининг билим даражаси;
3. Олий ва биринчи тоифали ўқитувчилар улуши;
4. Умумтаълим муассасасининг ўқувчилари ва педагог жамоаси ўртасида ўтказилган сўровнома.

Сўровнома натижалари буйича асосан республикамизнинг 10 фоиз умумий ўрта таълим муассасалари (мактаблар) фаолияти таҳлил қилинди. 2020 йил 1 июль ҳолатига кўра, энг юқори ўринларни Бухоро, Наманган ва Хоразм вилоятлари, қуйи ўринларни Сирдарё, Тошкент ва Сурхондарё вилоятлари эгаллашди.

Шуни алоҳида таъкидлаш зарурки, бугунги кунда Тошкент вилоятидаги таълим муассасаларида 5 мингдан ортиқ (15 фоиз атрофида) педагоглар олий маълумотга эга эмас. Шунингдек, 2019-2020 ўқув йилида 11-синфни 35 минг 709 нафар ўқувчи битирган бўлса, улардан 8 минг 215 нафари (23 фоиз) олий таълим муассасаларига ўқишга кирган.

Тошкент вилоятининг таълим муассасаларини халқаро стандартлар даражасига мос олий маълумотли педагогик кадрлар билан таъминлаш мақсадида Ўзбекистон Республикаси Президентининг 2017 йил 27 июлдаги қарори билан Чирчиқ давлат педагогика институтини ташкил этилди. Жорий йилда институтнинг 16 минг нафардан ортиқ талабаларига 500 нафардан ортиқ профессор-ўқитувчи тахсил бериб келмоқда. Хусусан, 2020 йилда институтнинг махсус сиртки таълим шакли буйича 1000 нафардан ортиқ битирувчилари вилоят мактабгача таълим ва умумий ўрта таълим масканларида ўз фаолиятларини давом эттирмоқда.

2020-2021 ўқув йилида эса институт вилоят таълим-тарбия муассасаларини 2000 нафарга яқин олий маълумотли кадрлар билан таъминлашни назарда тутган. Бу жараён таълим сифатида кадрлар салоҳияти, педагогик билим мустаҳкамлигини тақозо этадиган ижтимоий жараён ҳисобланади ва у институт олдида жиддий талабларни қўяди.

Фармон лойиҳасини ўрганиб, таҳлил қилиш Тошкент вилояти Чирчиқ давлат педагогика институтининг қуйидаги 3 та стратегик йўналиш буйича ишларни ташкил этиш, жорий қилиш ва натижага эришиш имконини беради:

1. Педагогик таълим ва тарбиянинг инновацион кластери тизимини ривожлантириш.
2. "Эшитдим-кўрдим-бажардим" педагогик тамойили асосида таълим ва тарбия узвийлигини таъминлаш.
3. "Ўрганамиз-ўргатамиз" педагогик лойиҳанинг самарали усул ва воситаларини ишлаб чиқиш.

Фармон лойиҳаси асосида шакллانган ушбу стратегик йўналишлар институтда "Илмдан — билимга", "Тарбиядан — таълимга", "Тикланишдан — юксалишга" деган ғояга асосланган ҳолда таълим сифатини яхшилаш, замонавий педагог кадрларни тайёрлаш ҳамда муносиб таълим ва тарбия муҳитини яратишда муҳим аҳамият касб этади. Президент Фармони лойиҳасида мамлакат тараққиёти учун янги ташаббус ва ғоялар билан майдонга чиқиб, уларни амалга оширишга қўдр бўлган, интеллектуал ва маънавий салоҳияти юксак янги авлод кадрларини тайёрлаш, таълим ташкилотлари битирувчилари замонавий касб эгалари бўлишлари учун уларда зарур кўникма ва билимларни шакллантириш Ўзбекистоннинг янги тараққиёт даврида таълим-тарбия ва илм-фан соҳаларини янада ривожлантиришнинг асосий йўналишларидан бири сифатида кўрсатиб ўтилган. Шундан келиб чиқиб, институтнинг стратегик йўналишлари доирасида Чирчиқ шаҳридаги умумтаълим мактаблари билан физика, математика, психология, биология, инглиз тили, ўзбек тили ва адабиёти, тарих фанларини ўқитиш сифатини яхшилаш буйича ҳамкорликда "Таълимда Чирчиқ тажрибаси" лойиҳаси бошланди. Ушбу лойиҳа Халқ таълими билан Олий таълимни бир-бирини тўлдирувчи, янага мақсадга йўналтирилган бўғинлар орасидаги узвийлик ва узлуksизлиқни таъминлашдек долзарб ишларни амалда бажаришга қаратилган. Бу билан замонавий дунёқарашга эга педагог кадрларни тайёрлаш орқали Президентимиз илгари сураётган учинчи Ренессанснинг пойдеворига хисса қўшган бўламиз.

МУНОСАБАТ

«Учинчи Ренессанс»га Элтгувчи йўл

Барчамизга маълумки, 2016 йилдан бери Ўзбекистонда таълим тизимини комплекс ривожлантириш, малакали кадрлар тайёрлаш мақсадларига катта куч ва маблағлар йўналтириб келинмоқда. Мактабгача таълим, мактаб ва олий таълим тизимлари, илмий-тадқиқот муассасалари фаолиятида сифат ўзгаришлари яшаш давлатимизнинг бош мақсадларидан бирига айланди. Шу сабабли таълим тизими бугунги кунда ўзининг барқарор юксалиш йўлига кирмоқда.

Яқинда Президентимиз раислигида мамлакатимизда таълим-тарбия тизимини такомиллаштириш, илм-фан соҳаси ривожини жадаллаштириш масалалари муҳокамаси буйича видеоселектор йиғилишини диққат билан кузатдим. Тўғриси, бу йиғилишда республикамизни дунёнинг илғор мамлакатлари қаторига олиб чиқиш, аҳоли турмуш даражасини юксалтириш, миллий иқтисодий ва ижтимоий соҳани етук кадрлар билан таъминлашнинг асосий бўғини ва манбаи бўлган таълим тизими фаолиятини тубдан яхшилаш ва уни дунё стандартлари даражасига олиб чиқиш буйича янги таклифлар илгари сурилди. Бу йиғилишда иштирок этиш жараёнида ва ундан кейин ҳам бир зиёли сифатида Президентимизнинг "Биз устозни отадай улуғ деб билган, доимо ардоқлаган маърифатпарвар халқнинг вакилларимиз. Мен ҳам ўқитувчи, муаллим деганда, ўзим учун энг азиз ва ҳурматли бўлган, зиёли ва замонавий, самимий ва меҳрибон инсонларни тасаввур қиламан. Чунки ҳаммамизга ҳам шу муаллим сабоқ ва таълим бериб, меҳрибон ота-оналаримиз қаторида тарбиялаган. Бугунги кунда Ўзбекистоннинг янги тараққиёт даври пойдеворини яратаямиз. Бунда бизнинг энг яқин кўмакчиларимиз устоз ва мураббийлар, илмий ва ижодкор зиёлилардир", деган сўзларидан чинакамига тўлқинландим.

Давоми 2-бетда. ▶



ОБУНА — 2021



«Ўзбекистон овози»
газетасига обуна
давом этмоқда

Мурожаат учун телефонлар:
71 233-65-45, +99891 162-72-81,
71 236-74-33

ОБУНА ИНДЕКСИ — 220

ҚАТОР ДАВЛАТ КЎЧМАС МУЛК ОБЪЕКТЛАРИ ХУСУСИЙ СЕКТОРГА СОТИЛАДИ

<p>✓ 32 ТА</p> <p>корхоналар ва бирлашмалар трансформация қилинади:</p> <p>Хар бир корхона танлов асосида халқаро консалтинг ташкилотлари жалб қилинган ҳолда молиявий соғломлаштирилади</p>	<p>✓ 39 ТА</p> <p>давлат иштирокидаги корхоналарда корпоратив бошқарув ва молиявий аудит жорий этилади:</p> <p>Корхоналарнинг барча инвестиция лойиҳалари хатловдан ўтказилиб, бошланмаган ҳамда молиявий манбалари аниқ бўлмаган лойиҳалар тўхтатилади</p>	<p>✓ 62 та</p> <p>корхоналарнинг давлат улушлари инвестициявий жозибадорлигини ошириш орқали оммавий савдоларда сотилади</p>
<p>✓ 15 та</p> <p>давлат кўчмас мулк объектлари хусусий секторга сотилади</p>	<p>КУЙИДАГИЧА ТАРТИБ ЎРНАТИЛАДИ</p>	
<p>✓</p> <p>Давлат объектларини "ноль" харид қийматида сотиш амалиёти бекор қилинади</p>	<p>✓</p> <p>Улар инвестиция ҳамда ижтимоий мажбуриятлар асосида "1 сўм" бошланғич қийматда оммавий савдоларга чиқарилади</p>	<p>✓</p> <p>Давлат активларини сотиб олувчилар тўловларни бўлиб-бўлиб тўлаш шарт асосида амалга ошириши мумкин бўлади</p>
<p>✓</p> <p>Рақобат муҳитига таъсир қиладиган имтиёз ва преференциялар хатловдан ўтказилиб, уларни бекор қилишни назарда тутувчи қарор лойиҳаси ишлаб чиқилади</p>		

МАНБА: ПФ-6096-сон (27.10.2020 й.) @huquqiyaxborot

Аъзам Ўктам муқаддас она тилимизнинг билимдони ва жонкуяри эди.

ХОТИРА

АЪЗАМНИНГ ЎКТАМ ВА ЎЛМАС СЎЗИ

Қалб ва тафаккурнинг ҳамоҳанг зарбида яратилган асарларда жамият ва даврнинг уйғунлиги, одам ва оламнинг чин тугʻнлари акс этади. XX аср ўзбек адабиётининг забардаст адибларидан бири, таниқли шоир ва таржимон Аъзам Ўктам муқаддас она тилимизнинг билимдони ва жонкуяри эди. Шоирнинг 60 йиллигига бағишлаб Заҳриддин Муҳаммад Бобур номидаги Андижон давлат университетида Республика Маънавият ва маърифат маркази, Ўзбекистон Ёзувчилар уюшмаси ҳамда Москва давлат Лингвистика университети билан ҳамкорликда ўтказилган "Аъзам Ўктам ижоди бадиияти" мавзусидаги халқаро онлайн илмий-амалий анжуман доирасида адабиётшунослик, тилшунослик, тил таълими, педагогикага оид долзарб муаммолар тадқиқ этилди.

Анжуманни Андижон давлат университети ректори, профессор Аҳром Юлдашев очди. Республика Маънавият ва маърифат маркази раҳбари, сенатор Минҳожиддин Мирзо, Ўзбекистон Ёзувчилар уюшмаси раиси, халқ шоири Сирожиiddин Сайид, Самарқанд давлат университети ректори, профессор, сенатор Рустам Холмуродов, Ўзбекистон Қаҳрамони, сенатор Ҳасан Нормуродов, Ўзбекистон халқ шоири, Ўзбекистон Ёзувчилар уюшмаси Фарғона вилояти бўлими раҳбари Энахон Сиддиқоваларнинг конференцияга йўллаган табриклари ўқиб эшиттирилди.

Ўзбекистон Республикаси Фанлар Академияси Алишер Навоий номидаги Ўзбек тили, адабиёти ва фольклори институти директори, филология фанлари доктори, профессор Низомиiddин Махмудовнинг "Аъзамнинг ўктам ва ўлмас сўзи", Ўзбекистон давлат хореография академияси ректори, доцент Шухрат

Тохтасимовнинг "Аъзам Ўктам шеъриятида санъат терминлари", Самарқанд давлат университети профессори, филология фанлари доктори Хотам Умуровнинг "Аъзам Ўктам ижодининг руҳий-фалсафий бадиияти", Москва давлат Лингвистика университети доценти, педагогика фанлари номзоди Беғам Қораеванинг "Аъзам Ўктам шеъриятида тилнинг бадиий-тасвирий воситалари", Туркиянинг Нейде университети профессори Мустафо Қурқмаснинг "Ўзбек-турк шеърининг хур саси Аъзам Ўктам", Жанубий Қозоғистон давлат педагогика университети профессори Шаҳло Норалиева ва Чимкент шаҳридаги 53-мактаб ўқитувчиси Салимжон Ганиевнинг "Аъзам Ўктамнинг "Алишер Навоий" шеъри ҳақида", Ўзбекистон миллий университети профессори, филология фанлари доктори Раъно Сайфуллаеванинг "Аъзам Ўктам шеъриятида барқарор бирикмалар", Низомий номидаги



Тошкент давлат педагогика университети профессори, филология фанлари доктори Қурдош Қаҳрамоновнинг "Аъзам Ўктам бадиияти", Ўзбекистон Ёзувчилар уюшмаси Наманган вилояти бўлими раҳбари, таниқли шоир ва жамоат арбоби Зиёвуддин Мансурнинг "Аъзам Ўктам ижодида ирфоний тафаккур", Алишер Навоий номидаги Тошкент давлат Ўзбек тили ва адабиёти университети профессорлари, филология фанлари докторлари Баҳодир Каримнинг "Аъзам шоирнинг ўктам овози", Узоқ Жўрақуловнинг "Аъзам Ўктам шеъриятининг уч асоси", филология фанлари номзоди, доцент Абдулла Улуговнинг "Дардақаш шоир", Андижон давлат университети профессори, филология фанлари доктори Дилмурод Қурононинг "Аъзам Ўктам шеърияти ҳақида айрим қайдлар", Фарғона давлат университети профессори, филология фанлари доктори Сиддиқжон Мўминовнинг "Шоирнинг дили ва тили ҳақида", Ўзбекистон Республикаси Маданият вазирининг давлат тили бўйича маслаҳатчиси, филология фанлари доктори Маъруфжон Йўлдошевнинг "Ёруғликка бошловчи шеърият" мавзусидаги маърузалари ва бошқа олимлар-

➤ Аъзам Ўктам нафақат шоир, балки таржимон, муҳаррир, ёшларнинг жонкуяр устози, ислом маданияти, маърифати тарғиботчиси сифатида ҳам улкан эътироф ва эъозга лойиқдир.

Туркия, Озарбайжон, Қозоғистон олимлари ва тадқиқотчиларининг иштироки ўзбек тили ва адабиётининг нуфузи жаҳон миқёсида юксалиб бораётганидан дарак беради. Энг муҳими, анжуман доирасида таниқли шоир ва моҳир таржимон Аъзам Ўктам ижодининг янги қирралари кашф қилинди. Унинг шеърияти нафақат адабиётшунослик, тилшунослик, педагогика, психология, методика, тарих ва фалсафа фанлари, балки санъатшунослик, манбашунослик нуқтаи назаридан ҳам таҳлил қилинди.

Фарғоналик машҳур ҳофиз Одиқжон Сулаймонов Аъзам Ўктамнинг "Икром" шеърига куй басталаб, жонли ижро этди. Ўзбекистон давлат хореография академияси санъатшунослик йўналиши 3-босқич талабалари Гулмира Курбонова, Бобур Муллажонов, Рузахон Мирзақаримова ҳамда Абдулла Қодирий номидаги ижод мактаби ўқувчилари шоир шеърларидан намуналар ўқиди. Халқаро конференция қизгин бахс-мунозаралар руҳида ўтди.

Сабина ҲОЖИЕВА, Тошкент давлат юридик университети қошидаги академик лицей ўқувчиси.

РЕКЛАМА ВА ЭЪЛОНЛАР

ҲУРМАТЛИ ТАБИИЙ ГАЗ ИСТЕЪМОЛЧИЛАРИ!



Табиий газдан заҳарланиш билан боғлиқ ҳодисалар асосан куз-қиш мавсумида рўй бераётганлиги сабабли, уларнинг олдини олиш мақсадида, аҳоли орасида доимий тарғибот-ташвиқот ишлари олиб борилади.

Шундай экан, ўзимиз ва атрофимиздагиларни табиий газдан нотўғри фойдаланиш, айниқса, қўлбола иситиш мосламаларидан фойдаланиш билан боғлиқ бахтсиз ҳодисалардан огоҳ бўлайлик.

Юқоридагилардан қайиб чиқиб, "Hududgaz Poytaxt" газ таъминоти филиали аҳоли орасида табиий ва ис газдан заҳарланишнинг олдини олиш бўйича қуйидагиларни яна бир бор эслатиб ўтади:

- Газ тармоқлари ва жиҳозларини текширувдан ўтказинг;
- Хонада газ ҳидини сезсангиз, электр асбобларини асло ёқманг, ёқилган бўлса, ўчириб қўйманг, аксинча зудлик билан эшик ва деразаларни очиб, хонани шамоллатинг ва дарҳол "104" телефон рақамига қўнғироқ қилинг;
- Газ жиҳозлари (газ плита, иситиш печлари) устида ювилган кийимларни қуритманг;
- Болаларни уйда ёлғиз қолдирманг ва уларнинг газ асбобларидан фойдаланишига йўл қўйманг, (олов билан ўйнаш хавфли эканини ўқитиб бординг.)
- Носоз газ жиҳозларини ўзбошимчалик билан тўзатманг ва улاردан фойдаланманг;
- Газ сизиб чиқиб ҳолатида уни олов билан текширманг;
- Бундан ташқари, газ асбобларига резина шланг ва шунга ўхшаш қўлбола воситаларни улаш ва очиқ газ жиҳозларидан хонани иситиш мақсадида фойдаланиш қатъиян ман этилади.

Этиборсизлик, лоқайдлик натижасида газдан заҳарланиш фожиаи оқибатларга олиб келиши, газ иситиш асбобларидан нотўғри фойдаланиш туфайли чиққан ёнгин эса катта хавфга сабаб бўлиши ҳамда жамиятга моддий зарар етказиши мумкин.

Газ билан боғлиқ ёнгин ёки заҳарланишлар содир бўлганда қуйидаги шовилчин телефон рақамларига қўнғироқ қилинг:

- 101-ёнгин хавфсизлиги,
 - 104-Авария диспетчерлик хизмати.
- "Hududgaz Poytaxt" газ таъминоти филиали матбуот хизмати.

ЗАВОД «KRANTAS»

производит и реализует под заказ:



ГАРАНТИЯ 1 ГОД

- ▶ Бензовозы — 4, 8, 10, 12, 16 м3.
- ▶ Водовозы — 4, 8, 12 м3.
- ▶ Вахтовые автобусы 4x4 — 22 мест, 6x6 — 26 мест.
- ▶ Комбинированные поливомоечные машины — 4, 8 м3.
- ▶ Кислотовозы — 6, 8, 10 м3.
- ▶ Автогудронаторы — 6, 8 м3.
- ▶ Полуприцепы: бензовоз, самосвальный, бортовой, контейнеровоз.

Адрес: Республика Узбекистан, г. Ташкент. Тел./факс: (+99871) 262-97-78, (+99871) 262-23-61. Моб.: (+99890) 188-15-33, (+99890) 187-52-05. E-mail: cst2008@mail.ru Web-site: www.avtokran.uz, www.krantas.uz

Товары сертифицированы.

ЭЪЛОН

Тошкент давлат шарқшунослик университети 2020-2021 ўқув йили учун қуйидаги вакант лавозимларга танлов (конкурс) эълон қилади:

1. Араб филологияси кафедраси: ўқитувчи-стажёр - 1 ўрин, ўқитувчи - 1 ўрин, катта ўқитувчи - 1 ўрин, доцент - 1 ўрин;
2. Эрон-афгон филологияси кафедраси: ўқитувчи-стажёр - 1 ўрин, катта ўқитувчи - 1 ўрин;
3. Мумтоз филология ва адабий манбашунослик кафедраси: ўқитувчи-стажёр - 1 ўрин, катта ўқитувчи - 1 ўрин, доцент - 1 ўрин;
4. Таржимашунослик ва халқаро журналистика кафедраси: ўқитувчи-стажёр - 1 ўрин, ўқитувчи - 1 ўрин, катта ўқитувчи - 1 ўрин, доцент - 1 ўрин, кафедра мудири - 1 ўрин;
5. Шарқ мамлакатлари адабиёти ва қиёсий адабиётшунослик кафедраси: катта ўқитувчи - 1 ўрин;
6. Шарқ мамлакатлари тарихи ва антропологияси кафедраси: катта ўқитувчи - 1 ўрин, кафедра мудири - 1 ўрин;
7. Марказий Осиё халқлари тарихи ва этнологияси кафедраси: ўқитувчи-стажёр - 1 ўрин, катта ўқитувчи - 1 ўрин;
8. Манбашунослик ва тасаввуф герменевтикаси кафедраси: катта ўқитувчи - 1 ўрин, кафедра мудири - 1 ўрин;
9. Педагогика ва психология кафедраси: ўқитувчи - 1 ўрин, катта ўқитувчи - 1 ўрин;
10. Шарқ мамлакатлари иқтисодиёти кафедраси: ўқитувчи-стажёр - 1 ўрин, доцент - 1 ўрин, профессор - 1 ўрин;
11. Шарқ мамлакатлари сиёсати ва халқаро муносабатлар кафедраси: ўқитувчи-стажёр - 1 ўрин, профессор - 1 ўрин;
12. Ташки иқтисодий фаолият ва туризм кафедраси: ўқитувчи-стажёр - 1 ўрин, ўқитувчи - 1 ўрин;
13. Математика ва ахборот технологиялари кафедраси: ўқитувчи-стажёр - 1 ўрин, ўқитувчи - 1 ўрин;
14. Хитой филологияси кафедраси: ўқитувчи-стажёр - 1 ўрин, доцент - 1 ўрин;
15. Хитой тарихи, маданияти, сиёсати ва иқтисодиёти кафедраси: ўқитувчи-стажёр - 1 ўрин, доцент - 1 ўрин, профессор - 1 ўрин; кафедра мудири - 1 ўрин;
16. Корейс филологияси кафедраси: ўқитувчи-стажёр - 1 ўрин, ўқитувчи - 1 ўрин;
17. Корей тарихи, маданияти, сиёсати ва иқтисодиёти кафедраси: ўқитувчи-стажёр - 1 ўрин;
18. Япон филологияси кафедраси: ўқитувчи-стажёр - 1 ўрин, катта ўқитувчи - 1 ўрин;
19. Япония тарихи, маданияти, сиёсати ва иқтисодиёти кафедраси: ўқитувчи-стажёр - 1 ўрин, катта ўқитувчи - 1 ўрин;
20. Турк филологияси кафедраси: ўқитувчи-стажёр - 1 ўрин, катта ўқитувчи - 1 ўрин, доцент - 1 ўрин;
21. Туркий халқлар тарихи, маданияти, сиёсати ва иқтисодиёти кафедраси: ўқитувчи-стажёр - 1 ўрин;
22. Ўзбек тили ва адабиёти кафедраси: катта ўқитувчи - 1 ўрин, доцент - 1 ўрин;
23. Ғарб тиллари кафедраси: ўқитувчи-стажёр - 1 ўрин, ўқитувчи - 1 ўрин, катта ўқитувчи - 1 ўрин, кафедра мудири - 1 ўрин;

ҲУЖАТЛАР:

1. Ректор номига ариза;
2. Шахсий варақа (рангли фотосурат билан);
3. Диплом (аттестат) нусхалари: олий маълумот, илмий даражаси ва илмий унвони ҳақида диплом, малака ошириш сертификатлари;
4. Белгиланган талабларга кўра эгаллаш лавозими асосида тегишли мутахассислик бўйича маъруза ўқишда чет тили (инглиз, немис, француз тили) ва инфорацион технологиялардан фойдаланиш кўникмаси (сертификат ва малака ошириш курслари асосида);
5. Тасдиқланган илмий ва илмий услубий ишлар рўйхати.

Манзил: 100060, Тошкент шаҳар, Шаҳрисабз кўчаси, 25 уй.
Мурожаат учун телефонлар: 71-233-44-36; 71-233-02-38.

Тошкент давлат шарқшунослик университети жамоаси японшунослик факультети декани Элёр Матчоновга отаси Ўзбекистон халқ шоири **Омон МАТЧОНОВ**нинг вафоти муносабати билан чуқур ҳамдардлик билдиради.

Ўзбекистон ХДП Хоразм вилоят кенгаши Ўзбекистон ХДП Хазорасп туман кенгаши раиси, халқ депутатлари туман Кенгаши депутати Машъал Вансовга отаси **Ислом ВАИСОВ**нинг вафоти муносабати билан чуқур ҳамдардлик билдиради.

O'ZBEKISTON OVOZI

MUASSIS:

Bosh muharrir Safar OSTONOV

TAHRIR HAY'ATI:

Ulug'bek INOYATOV	Qalandar ABDURAHMONOV	Hayotxon ORTIQBOYEVA
Ulug'bek VAOFYEV	Gulliston ANNAQILICHEVA	Toshtemir XUDOYQULOV
Mahmud TOIR	Musiliddin MUHIDDINOV	



Qabulxonа — (71)233-65-45
Xatlar va murojaatlar uchun — (71)233-12-56
Reklama va e'lonlar uchun — (71)233-47-80, (71)233-38-55
E-mail: info@uzbekistonovozi.uz

MANZILIMIZ:
100000, Toshkent, Matbuotchilar ko'chasi, 32-uy.

Gazeta O'zbekiston Matbuot va axborot agentligida 0006-raqam bilan 2007-yil 11-yanvarda ro'yxatga olingan.

«Sharq» nashriyot-matbaa aksiyadorlik kompaniyasi boshmaxonasida chop etildi.
Korxonа manzili: Buyuk Turok ko'chasi, 41-uy.
Gazeta ofset usulida, A-2 formatida bosildi.
Hajmi — 4 bosma taboq.

Gazeta haftaning chorshanba kuni chiqadi.
«O'zbekiston ovozi» materiallarini ko'chirib bosish faqat tahririyat ruxsati bilan amalga oshiriladi.

Г — 1151. 1748 nuxxada bosildi.
Nashr ko'rsatkichi — 220.
t — Tijorat materiallari
O'zA yakuni —
Topshirilgan vaqti — 21:00.

Sotuvda kelishilgan narxda

Navbatchi:
Nurullo O'NSTONOV
Sahifalovchi-dasturchi:
Bekzod ABDUNAZAROV



1 2 3 4 5